

UNIVERZITET U TUZLI
Ul. Dr. Tihomila Markovića br. 1
Broj: 01-161-JN-11/23 LOT 2
Tuzla, 15.02.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj: 01-161-JN-10/23 LOT 2 od 14.02.2024. godine, po punomoći Rektora Univerziteta u Tuzli broj: 01-6663-1/23 od 14.11.2023. godine, v.d. Direktor za ekonomske poslove, *donio je*

ODLUKU O IZBORU NAJPOVOLJNIJEG PONUĐAČA

I

U okončanom Otvorenom postupku za javnu nabavku namještaja za Laboratorijski kompleks Mašinskog fakulteta u Kampusu Univerziteta u Tuzli (LOT 2), izabran je ponuđač „INTER-COM“ d.o.o. Zenica sa ponudnom cijenom od 8.768,00 KM bez PDV-a, odnosno 10.258,56 KM sa PDV-om, te se istom dodjeljuje ugovor o javnoj nabavci roba.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke obavezan je da, u roku od 5 (pet) dana od dana prijema ove Odluke, dostavi original ili ovjerene kopije svih dokaza iz člana 45. stav (2) tačka a) do d) Zakona o javnim nabavkama BiH, u skladu sa tačkom 9. Tenderske dokumentacije.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

Obrazloženje

Univerzitet u Tuzli pokrenuo je postupak javne nabavke namještaja za Laboratorijski kompleks Mašinskog fakulteta u Kampusu Univerziteta u Tuzli (LOT 2) putem Otvorenog postupka javne nabavke namještaja LOT 1 – LOT 3, broj: 01-161-JN-2/23 LOT 1 – LOT 3 od 17.11.2023. godine, objavljenog na Portalu javnih nabavki, obavještenje broj: 795-1-1-105-3-140/23 od 01.12.2023. godine, a sažetak u „Službenim novinama BiH” broj: 83/23 od 08.12.2023. godine i WEB stranici Univerziteta.

U roku utvrđenom tenderskom dokumentacijom blagovremeno su dostavljene četiri (4) ponude, ponuđača: Schwam Miroslav Brdar S.P. Banja Luka, „INTER-COM“ d.o.o. Zenica, „LARIX“ d.o.o. Doboj i „HAFELE BH“ d.o.o. Gračanica.

Nakon javnog otvaranja ponuda Komisija za javne nabavke izvršila je detaljnu provjeru dostavljenih ponuda te utvrdila da ponuda ponuđača „LARIX“ d.o.o. Doboj ne sadrži Izjavu o garantnom roku za ponudeni namještaj što je zahtijevano tačkom 4.1.k) tenderske dokumentacije, te da ista nije pripremljena u skladu sa tačkom 4.4 tenderske dokumentacije, u dijelu koji se odnosi na Način dostavljanja dokumenta koji su zajednički za više lotova, gdje je jasno propisano da se ponuda za svaki LOT pakuje u posebnoj koverti/paketu, koje se opet zajedno pakuju u jednu zajedničku kovertu ili paket ili posebno za svaki LOT, a ponuđač je dostavio ponudu za LOT 1 i LOT 2 zajedno u jednoj koverti ne uvažavajući navedene upute. Zbog navedenog ponuda ponuđača LARIX“ d.o.o. Doboj je ocijenjena kao neprihvatljiva i nepravilna.

Ponuda ponuđača „HAFELE BH“ d.o.o. Gračanica sadrži sve dokaze zahtijevane tenderskom dokumentacijom i namještaj u skladu sa zahtijevima, ali ponuđena cijena je izvan budžeta odobrenog za predmetnu nabavku.

Zbog svega navedenog ponuda ponuđača „HAFELE BH“ d.o.o. Gračanica čija cijena prelazi planirana, odnosno osigurana novčana sredstva ugovornog organa za konkretnu nabavku je ocijenjena kao neprihvatljiva.

Ponude ponuđača Schwam Miroslav Brdar S.P. Banja Luka i „INTER-COM“ d.o.o. Zenica sadrže sve dokaze zahtijevane tenderskom dokumentacijom i ocijenjene su kao prihvatljive.

Prihvatljive ponude kvalifikovanih ponuđača unesene su u bazu e-nabavke da bi se iste vrjednovale u odnosu na zadani kriterij odabira „najniža cijena“ i to putem e-aukcije, u skladu sa Pravilnikom o uslovima i načinu korištenja e-aukcije („Službene novine BiH“ broj: 80/23).

E aukcija je zakazana za 14.02.2024. godine u 12,00 h i okončana je u 12:10 h.

Nakon okončane e-aukcije i u skladu sa Izvještajem o toku i završetku e-aukcije od 14.02.2024. godine, sačinjena je slijedeća rang lista ponuda po povoljnosti:

PONUĐAČ	PONUĐENA CIJENA KM (bez PDV)	RANG
„INTER-COM“ doo Zenica	8.768,00	1.
Schwam Miroslav Brdar S.P. Banja Luka	8.800,00	2.

Budući da ponuda ponuđača „INTER-COM“ d.o.o. Zenica po svim kriterijima zadovoljava zahtjeve i ispunjava uslove utvrđene tenderskom dokumentacijom, te da ima prihvatljivu ponuđenu cijenu to je Komisija predložila da se navedenom ponuđaču dodijeli ugovor za LOT 2 - Namještaj za Laboratorijski kompleks Mašinskog fakulteta u Kampusu Univerziteta u Tuzli.

Cijeneći izneseno, te činjenicu da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, v.d. Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj: 01-161-JN-10/23 LOT 2 od 14.02.2024. godine

v.d. DIREKTOR



Dr.sc. Azira Osmanović, dipl.oec

DOSTAVITI:

- 1x učesnicima
- 1x WEB portal
- 1x a/a